

جَزَائِرِ مَحَاكِرِ

جمعه ایرتسی

نومرو	صفر	سنه	تموز	سنه	حقیقه
۸۸۶	۲۸	۱۳۱۴	۲۷	۱۳۱۲	۱۲۴۹۳

(اشبو غزته بهر هفته جمعه ایرتسی کونلری چیقار . سنه لکی درساعات ایچون مجیدیه یکر می فروش)
 (حسابیه التمش غروشدیر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولمق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکته مشتری اولمق استیانتلر عدلیه نظارتی)
 (دایره سنده کائن جریده محاکم اداره سنه مراجعت ایلیلیدر)

قسمت سومی

توجیهات

کلیبولی سنجاغی بدایت محکمه سی مدعی
 عمومی معاونلکی درساعات بدایت محکمه سی
 مدعی عمومیلکی قلمنده مستخدم بصری بکه

پروژه سنجاغی بدایت محکمه سی مدعی
 عمومی معاونلکی دراج سنجاغی بدایت محکمه سی
 مدعی عمومی معاونی سابق عارف افندی به تفویض

بیورلش و مومی الیهما نك ذات شوكتسمات
 حضرت خلافتیناهی به ودولت علیه لرینه صادقانه
 ایقای خدمت ایلیه جککرینه و مغایر عدالت حرکاتده
 بولنیه جقلربنه دائر تحلیفلری اجرا اولمشدیر .

(فی ۲۶ صفر سنه ۳۱۴ وفی ۲۵ تموز)
 (سنه ۳۱۲ تاریخیه بالجمله ولا یات استیناف)
 (محکمه سی مدعی عمومیلرینه و مدعی عمومی)
 (بولنیمان محالرمدعی عمومی معاونلرینه یازیلان)
 (تحریرات عمومی صورتیدر)
 اجرا دائره لرنده مطلوبات امیریه ایچون

قسم غیر رسمی

(اما سیه بدایت محکمه سندن ۲۳ تموز سنه ۳۰۶)
(تاریخی و یکریمی درت عددی ایله و یریلان)
(اعلامک مابعدی)

دعوا به قارشو من بور عمر اغا بیعک وقوعی
تصدیق ایدوب انجق اخیراً اقاله اولندیجی جهته
باغ مذکور الیوم کندوسنک ملکی ایدوکنی
بسط و اتیان و خزینة جلیله و کیلی دخی مذکور
باغک الیوم مدیون مرقوم عمر اغا نامنه مقید
اولدیغنی مدافعة در میان ایتمیشلر ایهده اولبایده
محکمه جه جریان ایدن محاکمه و تدقیقات نتیجه سنده
مدعا به نصف باغک من بور عمر اغادن شراء
مرقوم احمدک تحت تملککنده اولوب اولبایده
وقوعبولان بیعک دخی اقاله ایدلمدیکی اقامه
واستماع قلنان شهودک شهادتلیله ثابت اولسنه بناء
جز مذکورک فککنه حکمدن و مستدعی تمیز
نظارت مشار الیهها و کیلی رحمی افندیکنک اشبو
قرار علیهنده باشلوجه اعتراضاتی ذات دعوی
حقننده استماع قلنان شهودک اصولاً امر ترکیه لری
اجرا قلنامسی مخالف قانون اولدیغندن بمثلله

صا تیلان اموالک مراد قائمه لرینه شمعی به قدر
تعامللاً قرق و یکریمیشر باره لک پول یا بشدیر لقمده
ایسهده محکمه تمیزک اولبایده کی قرارینه کوره
بونلرک اعلاننامه لرده کی ایکی باره لک پول رسمنه
تابع اولسی لازم کله جککندن کرک خزینة جلیله
و کرک زراعت بانقسه سنک بروجه محرر اجرا
دائرة لری معرفتیه مزایده و فروخت ایتدیردیکی
اموال منقوله و غیر منقوله ایچون دواثر مذکوره جه
تنظیم اولسان مزایده اوراقه بر موجب قرار
ایکیشر باره لک پول الصاق اولنسی تجارت و ناقه
نظارت جلیله سنک اشهارینه عطفاً مالیه نظارت
جلیله سندن منبعث تذکره ده بیسان و اشعار
اولنمش و مأموریتکنز داخلنده بولنان محاکمه
لاجل التبلیغ اشبو تحریراتک نسخ مطبوعه
کافیسی لفا ارسال قلنمش اولمغله اولوجهله ایضای
معامله اولنسی سیاقده شقه .

اعلامک نقضی استدعاسندن و معاون مومی الیهک
مطالعہ سی دخی دعوا ی واقعه نک اموال دولته
متعلق اولدینی حالده انشای محاکمه سنده مدعی
عمومینک بالمداخله مطالعه سی التامش و ذی الیدلک
مسئله سنک حلی ضمننده استماع قلنان شهودک
افاده لری اساس ماده نک حکمنه سند اتخاذ اولنمش
اولسنه مبنی اعتراضات واقعه نک موافق قانون
اولدینی بیانندن عبارت بولنمشدر .

ایجابی لیدی المذاکره اعلام مذکور
مطالعہ سندن اکلاشلدینی اوزره دعوا ی واقعه نک
اموال دولته متعلق اولدینی حالده انشای محاکمه سنده
مدعی عمومینک حضوریه مطالعه سنک استماع
قلنامسی و مدعا به باغک باسند رسمی مدیون عمر
اغانک عهده سنده مقید اولسنه نظراً باغ مذکورک
جزندن صکره شراء تصرف ادعاسنده بولنان
مرقوم احمدک سند مذکوره قارشو سنداً اثبات
مدعی ایده بیلوب اولبایده بیته شخصیه استماعی
غیر جائز اولدینی حالده محکمه جه بوراسننه دخی
دقت اولنمیه رق شراء خصوصننه دائر شهود
شخصیه استماعیه بر منوال محرر حکم اعطاسی
اصول و قانونه مغایر و معاون مومی الیهک
مطالعہ سی موافق نفس الامر کورندیکنه بناء

اصول محاکمه حقوقیه قانون موقتک ایکوز قرق
برنجی ماده سی موجبجه اعلام مذکورک نقضیه
قانون من بورک ایکوز قرق در دنجی ماده سی
موجبجه کیفیتک صور مشروحہ دائره سنده
یکیدن بالرؤیه اعلامه ربطی ضمننده محکمه
مذکوره به اعاده سنه وزیرده مفرداتی مرقم اوچ
یوز الی درت بحق غروش مصارف محاکمه نک
ایلروده حقمنز جیقه حق طرفه رجوع ایتک
اوزره اول امرده مستدعی تمیز خزینة
مشار الیهادن المنسنة ۱۲ شباط سنه ۳۰۹ تاریخنده
متفقاً قرار و یریلرک تفهیم قلندی .

لازستان بدایت محکمه سندن ۵ کانون ثانی
سنه ۳۱۰ تاریخی و تیش ایکی عددی ایله و یریلان
اعلامک تمیزینی استدعا ایدن ریزه قضاسنک
قلاغوز قریه سی اهالی سندن بهلول اوغلی علی ایله
مدعی علیه احمد اغا یوم معینده دائره به کلدکرنندن
اصول محاکمه حقوقیه قانونک ایکوز یکریمی
طقوزنجی ماده سی موجبجه تدقیقات تمیزیه

اجراسنه ابتدار اولندي .

اعلام مذکورک خلاصه مالی مرقوم احمد افغانک قریه مذکورده واقع باطابو متصرف اولدینی معلوم الحدود اراضیسنه جریان ایدن صو خرقه مرقوم علی اغا ایله لازمخود اوغلی حسین طرفلرندن وقوعبولان مداخله نك منعی طلب ودعوی ایتسنه قارشو مدعی علیهما دخی منازع فی خرق قدیم کندیلرینک مستقلاً تصرف ایتکده اولدقلری برصوبک خرق اولوب مدعی مرقومک ادعا ایلدیکی صو خرقنک حادث ایدوکی وکندوسنک سفردہ بولندینی صرمدہ مدعی مزبور برادری درویش ایله برالشوب مشترکاً متصرف بولندقلری ترالری فی فضولی سقی ایلدکلری مدافعه درمیان ایتسی اوزرینہ اولبابده اجرا قلنان کشف و محاکمه و تحقیقاتده طرفینک استقلال دعواسنده بولندقلری جهتله دعوالرینہ مطابق بینہ استماعنه دائر ویریلان قرار موجبسنه طرفیندن استماع اولنان شهودک شهادتلیسنه نظراً منازع فی اولان خرقه هر ایکی طرفک مستقلاً تصرفلری ثابت اولمش اولدینی بیانیه مجله نك بیک یدیوز الی التنجی ماده سی موجبسنه منازع فی خرق ایسه حادث بولندینی تواتراً اثبات ایدہ جکی درمیان ایتش وشو خالده اقامه بینہ کندوسنہ عائد بولمش ایکن مرقوم احمدک استقلال دعواسنه اصلاشمولی اولیان مجله نك بیک الی التنجی ماده سنہ تطبیقاً بینہ سنک استماع قلنمی وشاهدلرک من کیلرینک اسم وشهرتلیرینک اعلامده ذکر وتصریحی مقتضای قانوندن ایکن من کیلرک اسم وشهرتلیرینک اعلامه درج وتبئق قلنامسی مغایر اصول وقانون اولدیفندن بختله اعلامک نقضی استدعاسندن ومدعی علیه احمد افغانک لایحه سنده محرر نتیجه جوابی دخی من کیلرک اسم وشهرتلیری ضبط دعواده مصرح ومستدعی تمیزک غصباً ذی الید ایدوکی محکمه جزائیہ جه مثبت بولندینی بیانیه اعتراضات مذکورده نك ردی واعلامک تصدیق طلبندن عبارت بولمشدر .

ایجابی لدی المذاکره اعلام مذکورک نتیجه مالی منازع فی اولان صو خرقنک مدعی ایله مدعی علیهمادن هر برینک بالاستقلال عهده تصرفلرنده بولندینی طرفیندن استماع اولنان

شهودک شهادتیه ثابت اولدیفندن مجله نك بیک یدیوز الی التنجی ماده سنک اوجنچی فقره سی موجبسنه مذکور صو خرقنک طرفین بینده بالاشتراك تصرف اولنسنه حکمدن عبارت اولسنه نظراً حکم مذکور اسباب موجبیه مستند واصل وقانونه موافق اولوب مستدعینک تمیزاً درمیان ایلدیکی اعتراضات نقض حکمی موجب کوریه مدیکندن اعتراضات مبعوث عنهانک ردیه اصول محاکمه حقوقیه قانوننک ایکوز اوتوز برنجی ماده سی موجبسنه اعلام مذکورک تصدیقنه ومدعی علیه احمدک فقر حالی حسبیه صورت وتبلیغ خرجلرینک عفویسنه وزیرده مفرداتی مرقم سکسان سکز بحقی غروش مصارف سائرہ نك مستدعی به عائد اولقی اوزره اول امرده مدعی علیهدن انسنه ۲۱ شباط سنه ۳۱۱ تاریخنده متفقاً قرار ویرلدی .




درسمادت بدایت محکمه سی برنجی حقوق دائره سندن ۹ مایس سنه ۲۱۱ تاریخی و بوز

طقسان الی عددی ایله ویریلان اعلامک تمیزیق استدعاییدن زراعت بانکہ سی قو چوقداری علی افندی ایله کدک پاشاده سرای ایچنده نومروسز خانه ده ساکن نافعہ نظارتنده مستخدم بدروسز اغا بوم معینده دائره یه کدکلرندن ایضاحات شفاهیہ لری استماع قلنہ رق تدقیقات تمیزیه اجراسنه ابتدار اولندی .

اعلام مذکورک خلاصه مالی مرقوم بدروس افغانک مومی الیه علی افندی کفالتیه شخص ثالث مراد اغاده الاجنی اولان اوج بیک غروشک مرقوم مراد افغانک موقع اجرا جه عدم اقتداری حسبیه مبلغ مذکور تحصیل اولنه مدیفندن وکفالت واقعہ دخی مشروط اولہ رق شرط اولان عدم ایضا تحقق ایتش بولندیفندن بختله مبلغ مذکورک کفیل مومی الیه علی افندی تحصیل طلب ودعوی ایتسی ومدعی علیه علی افندی دخی دین مذکورہ محسوباً مدیونک ربیع معاشی اجرا دائره سنجه قطع اولنقده اولدیفندن کندوسندن تحصیلی لازم کلیه جکی مدافعه بیان وانبا ایلنمی اوزرینہ اولبابده اجرا قلنان محاکمه وتدقیقات نتیجه سنده دین مذکورہ محسوباً ویرلدیکی اجرا دائره سندن لدی الاستعلام تبیین

ایدن قرق غروش ربع معاشك جزئی اوله رق
دینك مدت مدیده استیفاسنه مانع اولدیفندن
و کفالت دخی مشروط اولوب شوصورتله شرط
دخی تحقق ایش بولندیفندن مبلغ مز بورك
مرقوم علی افندی دن تحصیلنه حکمدن واشبو حکم
علیهنده مستدعی تمیز علی افندیك باشلوجه
اعتراضی مرقوم بدروس اولجه کندوسیه
مکفول عنه مراد افندی علیهنه محکمه مذ کورده
اقامه ایتدیکی دعوی اوزرینه کفالتك مشروط
بولنمی حسبله کندوسی حقنده کی دعواسنك
ردیله یالکز مدیوندن تحصیلنه حکم اولندی
و حکم استیناف و تمیز اولنیه رق کسب قطعیت
ایتدیکی حالد تکراراً محکمه مذ کورده نینه بو
دعوا به باقره رق مبلغ مذ کورك کندوسندن
تحصیلنه حکم اولنمی و مدیونك ربع معاشی قطع
اولنق صورتیله ایضای دین ممکن ایکن مدیونك
ایضای دیندن عجزندن بختله بر منوال محرر حکم
اولنمی مخالف قانون اولدیفندن اعلامك نقضی
استدعاسندن و مدعی علیه بدروس اغانك نتیجه
جوابی دخی اعتراضات واقعه واهی و بی اساس
ایدوکی بیانیله ردی و اعلامك تصدیق
طلبندن عبارتدر .
ایجابی لدی المذاکره اعلام مذ کورك نتیجه



محکمه استیناف حقوق قسمندن ۱۰ مایس
سنه ۳۱۱ تاریخی و قرق اتی عددی ایله صادر
اولان اعلامك تمیزی استدعا ایدن بك اوغلنده
بانقه التنده بیوك دره جاده سنده اوتوز سکنز
نومرولی خانه ده ساکن رژی مأمورلرندن
امیل ژان دیودنی و کیلی علیکسان ملکبان
افندی ایله مدعی علیه مقری قریه سنده استانبول
جاده سنده نومروسز خانه ده مقیم اجزای طیبیه
تجاری ملتبادی مز یکی افندیك و کیلی اوخانس
بارونیان افندی یوم معینده دائره به کلش ایسه ده
جواب لایحه سی ویرمدیکنندن ایضاحات شفاهیه -
لری استماع قلندقدن صکره تدقیقات تمیزی به
اجراسنه ابتدار اولندی .

اعلام مذ کورك خلاصه مآلی مز بورامیل ژان
مومی الیه مز یکی افندیك مقری قریه سنده کائن
بر باب خانه سی ایکی سنه مدت و سنوی قرق عدد
لیرای عثمانی اجرته استیجار و پیشیناً یکریمی لیرا
اعطا ایش ایسه ده مذ کور خانه وقوعبولان
حرکت ارضدن طولانی قابل سکنا اولیه حق
مرتبه ده رخنه دار اولمش و تعمیری حقنده موجر
مز یکی افندی به مراجعت ایدلیدیکی حالدہ تعمیری
طرفه دخی کینلماش اولدیفندن پیشیناً اعطا

اولسان یکریمی لیرادن اقامت ایددیکی مدت
ایجارینك تنزیلیله اوست طرفی اولان اون
لیرانك مومی الیه مز یکی افندی دن تحصیلنی چکمهجه
صغیر بدایت محکمه سنده طلب و دعوی و برقطه
پروتستو ورقه سی ابراز و اعطا ایشنه قارشو
مومی الیه مز یکی افندی دخی مستأجر مز بور
امیل ژان مذ کور خانه بی کویا حرکت ارضدن
خراب اولدیفندن بختله بالنتخلیه خبری اولقسزین
اناختارینی دیمتری ایساره نام کسه به براتسینه
مبنی کندوسی دخی قرق کون صکره مذ کور
اناختاری مرقوم دیمتری یدندن بالاخذ مأجور
مذ کوری تعمیر ایتدیرمش اولدینی حالدہ مستأجر
مرقوم امیل ژان بردها عودت ایتماش و بوایسسه
فسخ عقدی موجب بولنمش اولدیفندن بوبابده کی
ادعاسنك ردینی مدافعه بیان و انبا ایشی اوزرینه
جریان ایدن محاکمات و تدقیقاته مستأجر
مرقومك مأجورك اناختارینك موجره اعطا
ایشی اقتضا ایدر ایکن دیمتری نامنده بر شخص
آخره ویرلسنه و اخیراً مأجور مذ کورك موجر
مز یکی افندی جانبندن تعمیر ایدلسنه نظراً عقد
ایجار منفسخ اولماش ایدو کندن مدعیك فسخ عقد
حقنده کی ادعاسنك ردینه دائر محکمه مرقومدن
صادر اولان اعلامك عند الاستیناف تصدیقه

حکمدن و مستدعی تمیز امیل ژانک وکیل
علیکسان ملکین افندیك اشبو حکم علیهنده کی
اعتراضاتك خلاصه سی مأجورك قابل سکنا
اولیه جق درجه ده رخنه دار اولسندن و بونک
اوزرینه موکلنک مأجور مذکورى نخلیه ایدرک
افاختارینی برایش اولدینی محلدن موجر من یکی
افندیك اخذ و قبول ایله موکلنک بشیناً اعطا
ایلدیکی مبالغ حقنده مومی الیه من یکی افندیك
صلحه تصدی ایتسندن طولایی عقد ایجارک بالطبع
انفساخی بدیهی ایکن عند الاستیناف بورالری
تدقیق و تحقیق ایدلکسزین اعلام ابتدائیک
تصدیقی طرفنه کیدلسی یولسز و مغایر قانون
اولدیفندن بخله اعلامك تقضی استدعاسندن
ومدعی علیه ملتیادی من یکی افندیك وکیل
اوخانس بارونیان افندیك شفاهاً نتیجه جوابی
دخی اعتراضات واقعه نك ردیه موافق اصول
و قانون اولان اعلامك تصدیق طلبندن عبارت
بولمشدر .

ایجابی مذاکره اولدوقده اعلام استینافی
مذکور مندرجاتندن اکلاشلدینی اوزره مرقوم
امیل ژانک منازع فیله خانه حقنده وقوعبولان
عقدك فسخیله بدل ایجار ایچون بشیناً اعطا

ایلدیکی مبالغدن هنوز مأجور مذکورده اقامت

ایتمدیکی مدتك اجوراتی اولان اون لیرانک
موجر من یکی افندیك تحصیلنه دائر اقامه ایتش
اولدینی ادعاسنک ردینه متدائر درجه اولی
محکمه سندن صادر اولان اعلامك عندالاستیناف
تصدیقنه حکم اولمش ایسه ده انجق مدعی امیل
ژانک مومی الیه من یکی افندیك دعوی ایلدیکی
مبالغ بش بیک غروشدن دون اولسنه و اساس
دعوی دخی ملکیت حقنده اولیوب انق البیان
بدل اجاره یه متدائر بولمشه نظراً عندالاستیناف
دعوی متدئنه نك قابل استیناف اولدیفنه قرار
ویرلسی مقتضی بولمش ایکن ماده قانونیه
یا کلش معنی ویربلرک دعوی مذکورده نك
قبولبله رؤیتی طرفنه کیدلسی یولسز و مغایر
اصول و قانون بولمش اولدیفندن اصول محاکمه
حقوقیه قانونك ایکوز قرق برنجی ماده سی
موجبجه اعلام مذکورک تقضیله ایکوز قرق
دردنجی ماده سی حکمنه توفیقاً کیفیتک برمنوال
محرم تحت قراره النطق اوزره قسم مذکورده
اعاده سنه وزیرده مفرداتی مرقم درتیوز طقوز
یحق غروش مصارف تمیزیه نك ایلروده حقسز
چیقه جق طرفه رجوع ایتک اوزره اول امرده

مستدعی امیل ژانک النسخه ۲۶ مایس سنه ۳۱۱
تاریخنده متفقاً قرار ویربلرک تفهیم قلندی .

چرکش بدایت محکمه سندن ۸ تشرین ثانی
سنه ۳۰۶ تاریخی ویتش ایکی عددی ایله صادر
اولان اعلامك تمیزی استدعایدن چرکش
قضاسنه تابع اوه جق ناحیه سنک حرمانجق
قریه سنده مقیم حمزه اوغلی ابراهیم ادهم اغا ایله
مدعی علیه زراعت بانکسی وکیلی اوخانس افندی
یوم معینده دائره یکلدرکندن ایضاحات شفاهیله
باش مدعی عمومی معاونلرندن ابراهیم بکک
مطالعہ سی استماع قلندقدن صکره تدقیقات تمیزیه
اجراسنه ابتدار اولندی .

اعلام مذکورک خلاصه مالی چرکش قضای
زراعت بانک شعبه سی محاسبه کاتبی علی افندی
مرقوم ابراهیم اغانک منافع صندوغندن مدور
برقطعه سنده موجبجه دینی اولان درت بیک
التیوز یکریمی اوج غروشک تحصیاتی طلب ودعوی
ایتمسنه قارشو عندالحاکه مرقوم ابراهیم اغا دخی

دین واقعی و سند مذکورده کی موضوع مهری
انکار ایلمش ایسه ده اولبابده اجرا قلنان محاکمه
وتدقیقات نتیجه سننده منازع فیله سنده اوه جق
ناحیه سی نای و اعضالری طرفندن مصدق بولدیفنه
واوراق رسمیه حالی کسب ایلدیکنه بناء مبلغ
مدعا بهدن اصل رأس المال اولان بیک ایکوز
غروشدن مدایشات قرارنامه سی موجبجه ایکوز
قرق غروش بالتزویل قصور طقوز یوز التمش
غروشک عتیق و جدید مراجحه نظامنامه لری
احکامنه توفیقاً ایشلمش اولان بیک بشیوزاللی
الغی غروش گذشته سنک رأس المال مذکورده ضمیمه
بالغ اولدینی ایکی بیک بشیوز اون الی غروشک
ایرا یوز غروش حسابیله مرقوم ابراهیم اغادن
تحصیلیله زراعت بانکسنه تسلیمنه و فاحش گذشته
اولوب داخل حساب ایدیلان یدی بیک یوزیدی
غروش حقنده مذکور زراعت بانکسنک رد
ادعاسنه حکمدن و مستدعی تمیزک اشبو اعلام
علیهننده لایحه سننده محرر باشلوجه اعتراضی
منازع فیله سند ناحیه نائیک تحت تصدیقده اولسی
جهتله معتبر اولدینی بیان قلنمش ایسه ده بوکی
سندائک مقاولات محررلکندن تصدیق ایدلکجه
معتبر عد اولنه میه جینی درکار ایکن محکمه جه
بوراسنک نظر دفته النامسی مغایر قانون اولدیفندن

بمثله اعلامك نقضی استدعاسندن و مدعی علیه وکیل او خالص افندیك نتیجه جوابی دخی اعتراضات واقعه نك موافق قانون اولدینی بیانیله ردی و اعلامك تصدیق طلبندن و معاون مومی الیهك مطالعه سی دخی بانقه نامنه اوله رق اقامه دعوی ایله ایشای وکالت ایدن مأمورك صفت وکالتی تصریح ایدلماش اولدیفندن بمثله تشکیل طرفین حقنده سرد ایدیلان اعتراضك موافق قانون اولدینی بیانندن عبارتدر .

ایجابی مذاکره اولندوقده اعلام مذکور مندرجاتندن منقهم اولدینی اوزره ذراعت باقیه سی طرفندن اقامه دعوی ایدن کاتبك وکالتی اولوب اولدیفنه تعرض اوللماش وسند مذکورده بولنان مهر و امضا مدیون طرفندن انکار اولدینی حالده اصول محاکمه نك تطبیق خط و خاتم فصلنه توفیق معامله ایدلماش و عندالتدقیق دین واقع طقوز یوز کسور غروشدن عبارت اوله رق قانوناً انحق بونك برمتی فائض ضم و حکم اولتمق اقتضا ایلدیکی حالده رأس المالك برمثلندن زیاده . قاض حکم ایدلماش اولمسی مغایر قانون اولدیفنه و معاون مومی الیهك مطالعه سی شایان قبول کورلدیکنه بناءً اصول محاکمه حقوقیه قانونك ایکوز قرق برنجی ماده سی

موجبجه اعلام مذکورك نقضه و قانون مزبورك ایکوز قرق در دنجی ماده سی حکمنه توفیقاً کیفیتك بالرؤیه اعلامه ربطی ضمننده محکمه مذکورده اعاده سنه و مستدعینك فقره حالنه مبنی صورت خرجنك عفو یله زیرده مقررانی مرقم یکری بحق غروش مصارف محاکمه نك ایلورده حقسر چیه حق طرفه رجوع ایتك اوزره اول امرده مستدعی تمیز ابراهیم اغادن الخمسه ۲۹ کانونانی سنه ۳۱۱ تاریخنده متفقاً قرار ویر یله رك تفهیم قلندی .

ایکینجی محکمه تجارتدن ۱ اغستوس سنه ۳۱۱ تاریخی و یوز طقسان ایکی عددی ایله ویریلان اعلامك تمیزینی استدعا ایدن مالیه دائره سی تحتنده الی طقوز نومرولی دکانده مقیم لازاراکا اکسانطولوس وکیل خریسانتوس افندی ایله مدعی علیه سلطان بازیدده قرق بر نومرولی دکانده ساکن صراف یوصفاکی وکیل قره بت افندیك یوم معینده دائره ویرود ایتلریله

ایضاحات شفاهیله ری استماع قلندقدن صکره تدقیقات تمیزیله اجرا سنه ابتدار اولندی .

اعلام مذکورك خلاصه مآلی مزبور لازاراکینك مرقوم یوصفاکی ایله بیک سکنز یوز سکسان تاریخنده فسخ ایدیلان شرکته مدیون اولان دیونیسك فاحش فائض اوله رق ظهور ایدن یتش طقوز لیرا والتش چندك کندو مالندن تنزیل اولمسنندن ناشی نصفی اولان اوتوز طقوز لیرا سکسان چندك شرکت مقررانی وجهله مرقوم یوصفا کیدن مع فائض تحصیلی طلب و دعوی ایتسنه قارشو مدعی علیه یوصفاکی وکیل شخص ثات اولان دیونیس ایله موکلی ایرالشمش اولدیفندن بو وجهله بری الذمه اوله رق موکله یمین و حتی خصومت بیه توجه ایتیه چکنی تذکار ایله برقطمه ابرنامه ابراز واعطا ایلمسی اوزرینه جریان ایدن محاکمات و تدقیقات نتیجه سنده مدعی مزبور لازاراکینك ادعاسنه قارشو مدعی علیه وکیلنك ابراز ایدرك امضاسی تحت اعترافنده بولنان ابرنامه ده طرفین بیننده سبق ایدن بالجمله معاملات قطع اوله رق مدعینك مدعی علیه ذمتنده حبه واحده الاجنی قالمیوب کافه دعاوی و مطالباتندن مدعی علیهك ذمتی ابرای عام صحیح ایله

ابرا ایلدیکی محرر اولدیفنه و مذکور ابرایسنه ابرای استیفا قیلندن اوله رق بونك اوزرینه مدعی علیه یمین دخی توجه ایتیه چکی کبی اساساً مدعینك دعوا یه صلاحیتی قالماش اولدیفنه بناءً دعوی واقعه نك ردی لزومه دائر ایکینجی محکمه تجارتدن صادر اولان اعلامك تمیزاً بالتدقیق اسباب قانونیه به مبنی نقض و اعاده قلمسی اوزرینه بشکرار سبق ایدن محاکمه و تدقیقات نتیجه سنده محاکمات جاریه سابقه اثناسنده مدعی علیه یوصفاکی طرفندن ابراز اولنان ابرنامه نك حکم محلنده طرفین بیننده عقد و تنظیم ایدلماش کبی کوسترلسندن و عیناً و یا خلاصه اعلامه درج و تمیق ایدلماشندن طولانی اولباده کی اعلام تمیزاً نقض اولتمش ایسنده محکمه تمیزك اشبو قراری موجبجه مارالذکر ابرنامه اولصورتله درج اوله رق اكمال نواقض ایلدیکی کبی قرار سابق موجبجه مدعی علیه یمین دخی توجه ایتیه چکنندن مدعینك استدعاسنك ردینه حکمدن و مستدعی تمیز وکیلنك اشبو حکم علیه نه کی اعتراضاتك باشلوجه سی محکمه تمیز قراری وجهله مذکور ابرنامه نك یوصفاکی به تعلقی اولدینی حالده بو جهت نظر دفته الغیه رق ابرنامه نك عیناً اعلامه درج یله اکشف اولمسی

تمیزه عائد اولمق اوزره اول امرده مدعی علیه یوصفا کیدن النسخه ۸ کانون نانی سنه ۳۱۱ تاریخنده متفقاً قرار ویریلهرک تفهیم قلندی .

سلانیک استیناف محکمه سندن ۲۴ کانون اول سنه ۳۱۰ تاریخی و قرق عددی ایله ویریلان اعلامک تمیزی استیفا سندن سلانیکده واردار قبوسنده ساکنه بقیچوان ایلیا زوجہ سی صوفیه قادین وکیلی یورکیادیس افندی ایله مدعی علیها سلانیکده یعقوب پاشا محله سنده مقیمه نورالدین اغا زوجہ سی عایشه خاتم وکیلی سلیم حسنی افندی یوم معینده دائره یه کدکارتدن ایضاحات شفاهیہ لری استماع قلنهرق تدقیقات تمیزیہ اجرا سنه ابتدار اولندی .

اعلام مذکورک خلاصه مالی من بوره عایشه خانونک واردار قبوسی خارجنده شیمینار نام موقعه باطاپو متصرفه اولدینی معلوم الحدود برقطه سبزه باغچه سی بدل ایجارندن طولانی

من بوره صوفیه قادین ذمتنده الاجنی اولدینی عندالحاکمه تحقق ایدن بیک ایکوز الی غروشک تحصیلیه مذکور باغچه نک تخلیه سنه دائرسلانیک بدایت محکمه سندن اخذ ایلدیکی اعلام غیابی علیهنده من بوره صوفیه قادین طرفندن اعتراض علی الحکم استدعای اعطا وبر درجه یه قدر محاکمه وجاهیه اجرا قلتمش ایسه ده ینه یوم معینده من بوره صوفیه قادینک اجابت ایتمش اولدیغندن اولبابده کی اعتراض علی الحکم استدعاسنک ردینہ دائر ویریلان اعلام حکمنه من بوره صوفیه قادین جانبندن عدم قناعتله اقامه اولان استیناف دعواسی اوزرینہ جریان ایدن محاکمات و تدقیقات استینافیه نتیجه سنده معترضه من بوره صوفیه قادینک اعطا ایلدیکی اعتراض عرضالتک ردینہ دائر بدایه ویریلان قرار موافق قانون اولسی جهتیله اولبابده کی استیناف استدعاسنک ردیلہ اعلام ابتدائینک تسدیقه حکمدن ومستدعیہ تمیزی صوفیه قادینک وکیلی یورکیادیس افندی اشبو حکم علیهنده کی اعتراضاتک خلاصه سی بوکی اراضی دعوالرینک حین رؤیتنده اراضی مأمورینک حضوری مشروط ایکن محکمه جه مأمور مومی الیهک حاضر بولندیرلما سی و منازع فیہ باغچه دروننده موکله سنک دخی کدک تعیر اولنور ماللری وار

ایکن استینافاً اساس دعوی حقنده کی ادعا واعترا ضاتک عدم تدقیقیله بروجه محرر حکم اعطا ایتمی متایر قانون اولدیغندن اعلامک نقضی ومدعی علیها عایشه خاتمک وکیلی سلیم حسنی افندی بوقا قارشو نتیجه جوابی دخی اعتراضات مسروده نک واهی و بی اساس اولدینی بیانیله ردی وموافق اصول و قانون اولان اعلامک تصدیقی طلبندن عبارت بولمشدر .

ایجابی مذاکره اولندقدہ اعلام مذکورک مطالبه سندن منضم اولدینی اوزره استیناف محکمه سنجہ اعتراض استدعاسنک ردینہ دائر بدایه ویریلان قرارک یولنده اولدیغندن بحکله استیناف استدعاسنک ردینہ قرار ویرلش ایسه ده اصول محاکمه حقوقیه قانونک یوزاللی طقوزنجی ماده سنده بیان اولدینی وجهله بومقوله یوم معینده معترض کلدیکی حالده اعتراض استدعاسنک ردینہ قرار ویریلهرک ارتق اعتراض حق ساقط اولور ایسه ده دیلدیکی دعوی قابل اولدینی صورتده استیناف دعواسنہ صلاحیتی اوله جفی کی شو صراحت قانونیه یه نظراً محکمه استینافیه یالکز اعتراض استدعاسنک ردی موافق قانون اولوب اولدیغنی تدقیق ایتمیوب مستأنفہ نک اساس دعوی

متایر قانون اولدیغندن بحکله اعلامک نقضی ومدعی علیه یوصفا کی وکیلک نتیجه جوابی دخی اعتراضات واقعہ نک واهی اولدینی بیانیله ردی وموافق اصول و قانون اولان اعلام مذکورک تصدیقی استدعاسندن عبارت بولمشدر .

ایجابی مذاکره اولندقدہ اعلام مذکورک نتیجه حکمی من بور لازاراک ایله دیونیس بیننده سبق ایدن شرکت معاملاتی حساباتی شرکت وکیلی یوصفا کی طرفندن رؤیت اولنهرق من بور لازاراکینک دیونیسک ذمتی ابرای عام صحیح ایله ابرا ایلدیکی وتمیزک قراری وجهله مذکور ابرانامه عیناً اعلامه درج اولدینی بیانیله مدعی علیه یوصفا کی یه یمین دخی توجه اتمیه چکندن مدعیکنک رد دعواسنہ حکمدن عبارت اولسنہ کوره حکم واقع اسباب موجبیه مستند و اصول وقانونه موافق اولوب مستدعینک بالاده محرر اعتراضاتی ایله سائر اعتراضلری نقض حکمی موجب اسباب قانونیه دن اولدیغنه بناء اعتراضات واقعہ نک ردیلہ اصول محاکمه حقوقیه قانونک ایکوز اوتوز برنجی ماده سی موجبنجه اعلام مذکورک تصدیقه وزیرده مفرداتی محرر یوز قرق سکنز بقی غروش مصاف تمیزیہ نک مستدعی

سلاح آتقی کیفیتندن طولانی مظنون اولوب حال
فرارده بولان ودرسعادت هیئت اتهامیه سندن
بالاتهام حقننده اخذ و گرفت مذکره سی و برلش
اولان اورتی بویلی الا کوزلی ضعیفجه وجودلی
اوتوز بش یاشنده خدمتکار نسطور سلیمیه قریه سی
اهالی سندن حاجی طاهر الان اله کچوریه مامش
اولدیفندن اصول محاکمات جزائییه قانوننک اوچ
یوز یتیش برنجی ماده سنه توفیقاً قانونه اطاعتله
محکمه یه کلک اوزره تاریخ اعلانندن اعتباراً
فراری مرقومه جانب ریاستدن اون کون مهل
وبرلش اولمغله مدت مذکور خرفنده محکمه یه
کلدیکی حالده قانونه اطاعت ایتماش نظر یله باقیله رق
محاکمه غیاییه سی بالا اجرا حقوق مدنییه دن اسقاط
واموالی بجز ابدیله جکی و بواننده مرقومک اقامه
دعوا یه حق اوله میه جنی کبی مرقومک بولندی
محلی بیلانلر خبر ویرمه و بالجله ضابطه عدلیه
مأمورلرینک مرقومی دردست ایتمکه مجبور
بولندقلری بیانیله اعلان کیفیت اولنور .

فی ۱۶ تموز سنه ۳۱۲

حقننده کی ادعا و اعتراضاتنک بالتدقیق تبیین ایدمجه
حاله کوره حکم اعطا ایتمی لازم کلور ایکن مجرد
بدایه اعتراض استدعاسنک ردی قرارینی تدقیق
ایدرك بولنده اولدیفندن بختله اساس دعوا یه
کیریشمکسزین استیناف استدعاسنک ردینه حکم
ایدلسی مغایر قانون اولدیفندن اصول محاکمه
حقوقیه قانوننک ایکوز قرق برنجی ماده سی
موجبجه اعلام مذکورک قضیله قانون مزبورک
ایکوز قرق دردنجی ماده سی حکمنه توفیقاً کیفیتنک
بالرؤیه اعلامه و بطی ضمنتده محکمه مذکوریه
اعاده سنه وز یرده مفرداتی مرقم اوچوز سکسان
بجق غروش مصارف تمیزییه نک ایلروده حقسز
حقیقه جق طرفه رجوع ایتمک اوزره اول امرده
مستدعیه صوفیه قادیندن التمسنه ۱۸ تشرین ثانی
سنه ۳۱۱ تاریخنده متفقاً قرار ویرلدی .

اعلان

ازمید سنجاغنه تابع سلیمیه قریه سی اهالی سندن
وابازه قبیله سندن باباج بن موسایه قتل قصدیه

محمود سامی و حسین حسینی و محمد نوری
افندیلرله بهیه خانمک درسعادت بدایت محکمه سی
برنجی حقوق دائره سندن صادر اولوب استینافاً
وتمیزاً تصدیق قلنان اعلامات موجبجه مالیه
نظارت جلیله سی تحصیلات قلمی نمیزلکندن متقاعد
علی رضا افندی ورنه سندن مخدوم و کفیللری
کال بکر ذمئلرنده محکوم به الاجقلری اولان
معلوم المقدار مبالغت تأمین استیفاسی ضمنتده
مدیون مومی الیهامیه انتقالی لازم کلان برنجی
دائرة بلدیه داخلنده قدرغده بوستان علی
محله سنده قدرغه جاده سنده کاش الی سکز نومرولی
چفته حمامده یکرخی سهم اعتباریله اوچردن الی
سهم حصه شایمه لری التیش برکون اجرا قلنان
مزایده علنیه نتیجه سنده لیرای عثمانی یوزغروش
حسابیله بش بیک ایکوز غرو شده طالبی عهده سنده
تقرر ایتمش ومدتنک انقضاسنه و رغبات ناسنک
انقطاعه مبنی موقتاً قرارداده سی کشیده قلنمش
اولدیفندن بوندن زیاده یه یعنی یوزده بش ضمیمه
طالب اولنلرک ودها زیاده معلومات المق استیلانلرک
پی الحقیله برابر اوتوز برکونه قدر اجرا
دائرة سنه مراجعت ایتملری ومدت مذکورک
انقضاسندن صکره برکونه ضم قبول اولنجه جنی

درسعادت اعلامات نظامیه اجرا دائره سندن
اعلان اولنور .

فی ۱۱ تموز سنه ۳۱۲

نوبر وشاذمند خانلرک درسعادت بدایت
محکمه سی برنجی حقوق دائره سندن استیصال
ایلدیکی برقطعه اعلام موجبجه یوزغانچی فائق
افندی ذمتنده محکوم به الاجنی اولان مبالغ
معلومه نک تأمین استیفاسی ضمنتده مدیون مومی
الیهک عهده تصرفنده اولوب مجبوز وفروختی
قرارلشد بریلان بک اوغلی جاده کیرنده التیوز
یتیش بش والتیوز یتیش یدی نومرولی دکان
وفوقنده طقوز اوطه بی حاوی وشهری بیک یوز
غروش ایجارلو خانه ده متصرف اولدینی درت
حصه اعتباریله بر حصه شایمه سنک تاریخ اعلانندن
اعتباراً اون بش کون صکره بالزیاده فروختنه
تثبت اولنجه جنی درسعادت اعلامات نظامیه اجرا
دائرة سندن اعلان اولنور .

فی ۲۲ تموز سنه ۳۱۲

متوفی عمر حلمی افندی ورثه سنك متوفی
 حاجی ابراهیم افندی ورثه سی ذمتنه قسمت
 عسکری محکمه سندن ویریلان ۲ محرم سنه ۳۱۴
 تاریخی برقطعه مقتضا اعلامی موجب بجه الاجلری
 اولان مبالغ معلومه نك تأمین استیفاسی ضمننده
 مرهون و فروختی محکوم بولنان غلطه ده عرب
 جامع شریفی محله سنده محمودیه جاده سنده طقسان
 طقوز نومرو ایله مرقم مقدما یورغانجی و الیوم
 بر باب کار کیر قصاب دکانی دروننده موجود
 بوجه ملکیت یورغانجی کدکنک اشبو تاریخ
 اعلانندن اعتباراً اون بش کون صکره فروختنه
 تشبث اولنه جفندن طالب اولنلرک پی سورمک
 وبوندن دها زیاده معلومات المقتی استیالرک مدت
 مذکور ختامندن صکره درسم عادت اعلامات
 شرعیه اجرا دائره سنه مراجعت ایلملری.

فی ۲۳ تموز سنه ۳۱۲

خاتون ذمتنه با اعلام الاجنی اولان مبالغ
 تأمین استیفاسی ضمننده تحت جزه انسان قاضی
 قریه سنده قره غولخانه زقاغنده اوقاف مضبوطه دن
 دارالسعاده اغاسی ابراهیم اغا زاویه سی وقفندن
 بر طرفی چاوش یاسفک منزل و بقیچه سی و بر طرفی
 غالب بکک والده سنك منزل و بقیچه سی و بر طرفی
 صراف قسطنینک منزل و بقیچه سی و طرف رابی
 طریق عام ایله محدود بش اوطه و ایکی صوفه و بر
 مطبخ و ایکی حلا و بر کیلار و ایکی زقاق قیوسی
 و بر قیو و آرقه طرفنده تخمیناً ایکوز آرشون
 بقیچه و دروننده اشجار غیر مشمره نی حاوی یکرمی
 یدی نومرولی و فاه مفروغ بولنان منصرفه
 بولندینی بر باب خانه سی تاریخ اعلانندن اعتباراً
 اون بش کون صکره بالمزایده فروختنه مبادرت
 اولنه جنی اسکدار بدایت محکمه سی اجرا دائره سندن
 اعلان اولنور.

فی ۲۵ تموز سنه ۳۱۲